

VENDIM
Nr. 574, datë 24.6.2015

PËR KRITERET E TREGTIMIT, CERTIFIKIMIT DHE TESTIMIT TË FARËS SË PATATES¹

Në mbështetje të nenit 100 të Kushtetutës dhe të neneve 4, pika 9, 14, pika 3, 15, pika 3, 16, pika 4 dhe 33, pika 6, të ligjit nr. 10416, datë 7.4.2011, "Për materialin mbjellës dhe shumëzues bimor", të ndryshuar, me propozimin e ministrit të Bujqësisë, Zhvillimit Rural dhe Administrimit të Ujërave, Këshilli i Ministrave

VENDOSI:

I. TË PËRGJITHSHME

1. Qëllimi i këtij vendimi është të përcaktojë kriteret për tregtimin e farës së patates, kategoritë, identitetin dhe cilësinë e tyre, rregullat e ambalazhimit dhe të etiketimit, procedurën e certifikimit, kriteret e ruajtjes, marrjes së mostrave për analiza laboratorike për certifikim, si dhe procedurën e testimit e provat krahasuese për kontrollin e farës së patates që vendoset në treg.

2. Të gjithë termat e përcaktuar në ligjin nr. 10416, datë 7.4.2011, "Për materialin mbjellës dhe shumëzues bimor", të ndryshuar, kanë të njëjtin kuptim edhe në këtë vendim.

II. KRITERET E TREGTIMIT TË FARAVE TË PATATES

1. Kriteret që duhet të plotësojnë farat e patates për tregtim, janë:

- a) Të kenë të përcaktuar kategorinë, identitetin dhe cilësinë, sipas kërkesave të këtij vendimi;
- b) Të jenë të pajisura me certifikatën zyrtare, sipas modelit të përcaktuar në shtojcën IV, bashkëlidhur këtij vendimi;
- c) Të jenë të paketuara dhe të etiketuara, në përputhje me kriteret e pikës 3 të këtij kreu;
- ç) Varieteti, prej të cilit është prodhuar fara, të jetë i regjistruar në katalogun kombëtar;
- d) Të plotësojnë kërkesat e legjislacionit për mbrojtjen e shëndetit të bimëve dhe mbrojtjen e biodiversitetit, lidhur me masat mbrojtëse kundër futjes apo përhapjes së organizmave të dëmshëm, brenda territorit të Republikës së Shqipërisë.

2. Kategoritë, identiteti dhe cilësia e farave të patates

2.1 Sipas prejardhjes, farat e patates ndahen në kategoritë e mëposhtme:

- a) Farë parabazë;
- b) Farë bazë;
- c) Farë e certifikuar.

2.2 Fara parabazë përfitohet nga shumëzimi i farave (tuberëve) në ngastrat e shumëzimit të farave të zgjedhura, nën përgjegjësinë e seleksionerit për mbrojtjen e varietetit.

2.3 Fara bazë nënkupton tuberët e patateve, të prodhuar nën përgjegjësinë e seleksionerit, sipas praktikave për mbrojtjen e varietetit, që ka për qëllim prodhimin e farës së kategorisë "Farë e certifikuar" dhe plotëson kërkesat e shtojcave I dhe II.

2.4 Fara e certifikuar nënkupton tuberët e patates, të prodhuar direkt nga fara bazë, që ka për qëllim prodhimin e patates dhe plotëson kërkesat e shtojcës I dhe II, bashkëlidhur këtij vendimi.

2.5 Skemat e prodhimit të kategorive të farës së patates bëhen nën monitorimin dhe përgjegjësinë e Entit Shtetëror të Farave dhe Fidanëve (ESHFF).

2.6 Identiteti i farës së patates është tërësia e veçorive botanike, gjenetike, biologjike dhe morfologjike, si dhe qëllimi i përdorimit të një specieje të caktuar, për ta dalluar nga speciet e tjera. Sipas këtij kriteri, farë patateje do të konsiderohet fara (tuberi) që rrjedh nga bimët e patates (*Solanum tuberosum* L.).

2.7 Cilësia e farës së patates përcaktohet nga këta tregues:

- a) Pastërtia e përgjithshme, që është peshë, në përqindje, e tuberëve të pastër, ndaj peshës së tyre të përgjithshme;
- b) Aftësia mbirëse, që është aftësia e tuberëve për të mbirë në kushte të caktuara dhe që përcaktohet nga numri i kërcejve ose sythave (jo më pak se dy), që mbijnë, në raport me numrin e përgjithshëm (të tuberëve), të vënë për mbirje.

3. Ambalazhimi dhe etiketimi i farës së patates

¹ Ky vendim është përafëruar pjesërisht me direktivën 2002/56/EC, të Këshillit, datë 13 qershor 2002, "Për tregtimin e farës së patates"; numri CELEX 32002L0056-EN. Fletorja Zyrtare e Bashkimit Evropian, seria L, nr. 193, datë 20.7.2002, faqe 60-73.

3.1 Ambalazhimi i farës së patates të çdo kategorie shoqërohet me dy lloje etiketash, që janë etiketa e prodhuesit dhe etiketa zyrtare, që përgatitet e lëshohet në treg nga ESHFF-ja. Etiketa zyrtare vërteton që fara e patates është certifikuar dhe kontrolluar nga sektori i certifikimit në ESHFF.

3.2 Farat e patateve të kategorive “Farë parabazë”, “Farë bazë” dhe “Farë e certifikuar” duhet të tregtohen vetëm në lote homogjene dhe të paketuara.

3.3 Ambalazhet e kategorive “Farë parabazë”, “Farë bazë” dhe “Farë e certifikuar” duhet të kryhen në mënyrë të tillë që, nëse hapen, mbyllja ose vetë paketimi të lënë gjurmë dëmtimi mbi etiketën zyrtare ose mbi vetë paketimin.

3.4 Riambalazhimi i farës së patates bëhet në rastin e rikontrollit laboratorik, për verifikimin e treguesve cilësorë të tuberëve, me kërkesë të furnizuesit. Nëse riambalazhohet, riambalazhimi dhe data e riambalazhimit duhet të shënohet në etiketë nga ESHFF-ja.

3.5 Ambalazhimi i kategorive “Farë bazë” dhe “Farë e certifikuar”, të çdo lloji, duhet:

a) të jetë i pajisur, në pjesën e jashtme, me një etiketë zyrtare që plotëson kushtet e përcaktuara në shtojcën III, bashkëlidhur këtij vendimi, dhe të shkruar në gjuhën shqipe;

b) të përmbajë një dokument zyrtar, në të njëjtën ngjyrë me etiketën, që të pasqyrojë, të paktën, kërkesat e përcaktuara në pikat 3, 4 e 6, të shkronjës A, të shtojcës III. Ky dokument duhet të jetë i tillë që të mos zëvendësojë etiketën zyrtare, të përcaktuar në shkronjën “a”, të kësaj pike.

3.6 Gjatë certifikimit zyrtar, autoriteti certifikues verifikon që paketimi i kategorive “Farë bazë” apo “Farë e certifikuar”, të përmbajë edhe etiketën e furnizuesit, e cila duhet të jetë me ngjyrë të ndryshme nga etiketa zyrtare.

3.7 Farat e shumëzuara nga riprodhimet e kategorisë “Farë parabazë” mund të tregtohen si kategoritë “Farë bazë” dhe “Farë e certifikuar”, kur plotësojnë kushtet e mëposhtme:

a) të jenë kontrolluar zyrtarisht, nga autoriteti certifikues, në përputhje me kërkesat që zbatohen për certifikimin e kategorive “Farë bazë” dhe “Farë e certifikuar”;

b) të jenë të ambalazuara në përputhje me kërkesat e këtij vendimi;

c) ambalazhet dhe paketat duhet të kenë një etiketë zyrtare, ku të shënohen, të paktën, të dhënat e mëposhtme:

i) autoriteti certifikues;

ii) numri i referencës së lotit;

iii) muaji dhe viti i marrjes së mostrave zyrtare të fundit, për qëllime certifikimi;

iv) specia, duke shënuar, të paktën, emrin botanik, e cila mund të jepet në formë të shkurtuar dhe pa emrin e autorit;

v) varieteti;

vi) riprodhimi;

vii) numri i serisë së etiketës;

viii) ngjyra e etiketës të jetë në përputhje me kategorinë përkatëse.

3.8 Çdo trajtim me plehra të përdorimit për bimësinë ose produkte të mbrojtjes së bimëve, që u është bërë kategorive “Farë bazë” dhe “Farë e certifikuar”, shënohet në etiketën zyrtare ose në etiketën e furnizuesit, sipas modelit të përcaktuar në shtojcën III, në përputhje me legjislacionin përkatës në fuqi.

III. CERTIFIKIMI I FARËS SË PATATES

1. Dokumentacioni dhe procedura e certifikimit

1.1 Procedurat e certifikimit të farës së patates realizohen nga autoriteti certifikues ose nga subjekte publike apo private, sipas përcaktimit në kreun IX, të ligjit nr. 10416, datë 7.4.2011, të ndryshuar.

1.2 Kërkesat që duhet të plotësohen për certifikimin e farës së patates të prodhuar në vend dhe procedura e certifikimit të tyre janë, si më poshtë vijon:

a) për certifikimin e farave të patates, pranë autoritetit certifikues duhet të paraqiten dokumentet e mëposhtme:

i) kërkesa me shkrim për certifikimin e farës së patates;

ii) licenca përkatëse, e lëshuar nga Qendra Kombëtare e Licencimit;

iii) aktkontrolli për caktimin e ngastrës së farës, zbatimi i kërkesave agroteknike të teknologjisë së prodhimit të farave, sipas metodikave të hartuara për farën e patates dhe modelit të dhënë në shtojcën IV;

iv) certifikata e origjinës, që vërteton pastërtinë gjenetike të varietetit;

v) certifikata fitosanitare, lëshuar nga shërbimi fitosanitar;

vi) aktaprobimi fushor;

vii) etiketa e prodhuesit;

viii) deklarata e konformitetit.

b) Autoriteti certifikues ndjek procedurën e certifikimit, si më poshtë vijon:

i) Bën verifikimin e dokumentacionit dhe të kontingjentit të farës së patates që do të certifikohet, si dhe verifikon nëse varieteti është i regjistruar në Katalogun Kombëtar. Pasi konstaton plotësimin e kërkesave për dokumentacionin e mësipërm, plotëson procesverbalin për verifikimin e specifikimeve teknike, dokumentacionin, si dhe kontrollin e cilësisë së farës së patates;

ii) Përgatit dosjen e certifikimit për vlerësim mbi bazën e procesverbalit dhe dokumentacionit të mësipërm;

iii) Mbi bazën e vlerësimit të dosjes, lëshon certifikatën zyrtare, në të cilën shënohet sasia dhe numri i serisë së etiketave zyrtare që i jepen prodhuesit;

iv) Etiketa zyrtare vendoset në çdo njësi paketimi, sipas numrit të serisë, të përcaktuar në certifikatën zyrtare;

v) Elementet dhe kriteret e etiketës duhet të jenë sipas shkronjës "A", të shtojcës III, të këtij vendimi;

vi) Certifikata zyrtare lëshohet pasi të jetë likuiduar tarifa e certifikimit dhe të jenë tërhequr e plotësuar, nga prodhuesi, sasi të etiketës zyrtare.

1.3 Procedura e vlerësimit të dosjes së certifikimit, si dhe lëshimi i certifikatës zyrtare përfundojnë brenda 10 (dhjetë) ditëve nga data e dorëzimit të kërkesës për certifikim.

1.4 Për rastet kur ESHFF-ja autorizon kryerjen e procedurave të certifikimit dhe subjekti i autorizuar nuk e përfundon këtë procedurë, brenda afatit të përcaktuar në pikën 1.3 të këtij kreu, atëherë të interesuarit mund të dorëzojnë ankesë pranë ESHFF-së.

1.5 Nëse ESHFF-ja nuk e përfundon procedurën e certifikimit brenda afatit të përcaktuar në pikën 1.3, atëherë të interesuarit mund të dorëzojnë ankesë pranë ministrit të Bujqësisë, Zhvillimit Rural dhe Administrimit të Ujërave.

1.6 Forma dhe përmbajtja e dokumentacionit që i bashkëngjitet kërkesës për certifikim të farës së patates është sipas shtojcës IV, bashkëlidhur këtij vendimi.

2. Kriteret e ruajtjes, kontrolli fitosanitar dhe treguesit cilësorë për certifikim

2.1 Fara e patates duhet të mbahet në mjedise të përshtatshme, të cilat, gjatë përpunimit, paketimit, ruajtjes dhe tregtimit, sigurojnë temperaturën dhe lagështirën optimale për ruajtjen e treguesve cilësorë, sipas parametrave teknikë për farën e patates. Mjediset e përpunimit duhet të jenë të pajisura me impiante e pajisje për pastrimin, homogjenizimin, kalibrimin, dezinfektimin, peletimin dhe paketimin e farës së patates. Këto mjedise duhet të jenë të pajisura me aktmiratimin higjieno-sanitar, të lëshuar nga strukturat lokale të shëndetit publik, si dhe me certifikatë për dezinfektimin, dezinfektimin, deratizimin, të lëshuar nga subjekte të licencuara, sipas legjislacionit në fuqi.

2.2 Fara e patates tregtohet, si e tillë, vetëm pasi të jetë përpunuar, pastruar, homogjenizuar e kalibruar. Nëse gjatë përpunimit fara e patates mund të dezinfektohet e peletohet me pesticide dhe lëndë kimike ushqyese, atëherë duhet të shoqërohet me shënimin përkatës në etiketë.

2.3 Furnizuesve të farës së patates u lejohet që, në mjediset e tyre, të përpunojnë, paketojnë dhe etiketojnë farën e patates edhe për furnizues të tjerë, të licencuar për prodhimin, riprodhimin, shumëzimin e tregtimin e tyre.

2.4 Procesi i analizës fitosanitare të farës së patates për certifikim kryhet mbi mostrën, si një sasi fare e marrë në një ose disa pika të lotit të farës.

2.5 Mostrat për analizën e farës së patates, për qëllim certifikimi, duhet të merren zyrtarisht nga specialistët e autoritetit certifikues ose specialistë të tjerë, të autorizuar nga ESHFF-ja, në përputhje me metodat teknike, të përcaktuara me urdhër të ministrit.

2.6 Për ekzaminimin e farës së patates, për certifikim, mostrat duhet të nxirren nga lote homogjene. Pesha maksimale e një loti dhe pesha minimale e një mostre përcaktohen në shtojcën II, bashkëlidhur këtij vendimi.

IV. PROCEDURA DHE METODAT E TESTIMIT TË VARIETETEVE QË REGJIS-TROHEN NË KATALOGUN KOMBËTAR

1. Procedurat dhe metodat e kryerjes së testimit

1.1 Testimi i një varieteti ka për qëllim kryerjen e provave zyrtare mbi farën e patates, për të verifikuar plotësimin e kërkesave për vlerat e kultivimit dhe përdorimit të tyre, për dallueshmëri, uniformitetet dhe stabilitet (DUS), me qëllim regjistrimin në Katalogun Kombëtar.

1.2 Testimi i varietetit bëhet në kuadër të kërkesës së të interesuarit për regjistrimin e këtij varieteti në Katalogun Kombëtar dhe kryhet nga ESHFF-ja, ose subjekte publike apo private të autorizuar, që veprojnë në fushën e bujqësisë, në përputhje me nenin 49, të ligjit nr. 10416, datë 7.4.2011, të ndryshuar, më poshtë "autoriteti testues".

1.3 Aplikanti, për regjistrimin e varieteteve të reja në Katalogun Kombëtar, duhet të paraqesë:

a) kërkesë me shkrim pranë ESHFF-së;

b) skedën e karakteristikave për kultivarin që do të testohet;

c) rezultatet e provave të seleksionerit;

ç) fotografi të bimës apo të frytit;

d) sasinë e farës për mbjellje, sipas normativave të miratuara me udhëzim të ministrit përgjegjës për bujqësinë.

1.4 Procedura e testimit të varietetit, e cila kryhet nga autoriteti testues, përfshin:

a) zbatimin nga ESHFF-ja të metodikave të hartuara nga UPOV-i;

b) kryerjen e provave, sipas metodikave të sipërcituara, dhe ndjekjen e fazave të zhvillimit të bimëve;

c) përpunimin e të dhënave dhe përgatitjen e raportit përfundimtar, për ta paraqitur në Komisionin e Vlerësimit të Varieteteve për Regjistrim në Katalogun Kombëtar.

1.5 Provat për testimin e varieteteve, për vlerën e kultivimit dhe përdorimit, kryhen sipas këtyre afateve:

a) për varietetet e krijuara në vend, për jo më pak se 2 (dy) vjet, plus prova për DUS-in;

b) për varietetet e prodhuara në shtetet anëtare të Bashkimit Evropian, ose në shtetet që kanë nënshkruar Konventën e UPOV-it, në rastet kur bëhet testimi, kryhet për 1 (një) vit;

c) për varietetet e prodhuara në vendet që nuk janë anëtare të Bashkimit Evropian ose nënshkruese të Konventës së UPOV-it, testimi kryhet në jo më pak se 1 (një) vit.

1.6 Provat e mostrave të farës së patates që hidhen në treg, në bazë të kërkesave të këtij vendimi, duhet të kryhen brenda territorit të Republikës së Shqipërisë, në pikat zonale të miratuara me urdhër të ministrit.

1.7 Forma dhe përmbajtja e dokumentacionit që i bashkëngjitet kërkesës për testim jepen në shtojcën V, bashkëlidhur këtij vendimi.

V. DISPOZITA TË FUNDIT

Ngarkohen Enti Shtetëror i Farave dhe Fidanëve dhe Autoriteti Kombëtar i Ushqimit për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Edi Rama

SHTOJCA I

KUSHTET MINIMALE QË DUHET TË PLOTËSOJË FARA E PATATES

1. Fara bazë:

- a. Në kontrollin zyrtarë të bimëve të patates në rritje numri i bimëve të prekura nga këmbëzeza nuk duhet të kalojë 1%.
- b. Numri i bimëve në vegetacion, që manifestojnë rritje dhe zhvillim të ndryshëm nga varieteti, dhe numri i bimëve të varieteteve të tjera, të marra së bashku, nuk i kalon 0.1%, në pasardhësit e drejtpërdrejtë (mbjelljet e vitit pasardhës) nuk duhet të kalojë 0.25%.
- c. Në pasardhësit e drejtpërdrejtë numri i bimëve me simptomat e infeksioneve nga viruset nuk duhet të kalojë 4%.
- d. Në kontrollet zyrtare të bimëve në vegetacion, numri i bimëve me simptoma të mozaikut dhe numri i bimëve të prekura nga virusi spiral i gjetes, të marra së bashku, nuk duhet të kalojë 0.8%.
- e. Shkalla e lejuar e infeksionit për pikën 1 (c) dhe (d), do të jetë e pranueshme vetëm për raste kur sëmundjet virusale janë të shkaktuara nga viruset që janë të përhapura në Evropë.
- f. Numri maksimal i gjeneracioneve të farës bazë të patates do të jetë katër, ndërsa brezat e kombinuara të farës parabazë dhe të farës bazë duhet të jetë shtatë.
- g. Në etiketën zyrtare të duhet të ketë shënuar gjeneracionin, në të kundërt, fara në fjalë do të konsiderohet si farë që i përket brezit maksimal që është lejuar brenda kategorisë përkatëse për t'u hedhur në treg.
- h. Fara e patates (tuberët) nuk mund të hidhen në treg nëse në pjesën më të ngushtë të tuberit diametri më pak se 25-35 mm për cilësinë e klasit të parë dhe 35-45 mm për klasin e dytë.

2. Fara e certifikuar:

- a. Në kontrollin zyrtar të bimëve të patates në rritje numri i bimëve të prekur nga këmbëzeza nuk duhet të kalojë 4%.
- b. Numri i bimëve në vegetacion, që manifestojnë rritje dhe zhvillim të ndryshëm nga varieteti dhe numri i bimëve të varieteteve të tjera, të marra së bashku, nuk i kalon 0.5%, në pasardhësit e drejtpërdrejtë (mbjelljet e vitit pasardhës) nuk duhet të kalojë 0.5%.
- c. Në pasardhësit e drejtpërdrejtë numri i bimëve me simptomat e infeksioneve nga viruset nuk duhet të kalojë 10%.
- d. Në kontrollet zyrtare të bimëve në vegetacion, numri i bimëve me simptoma të mozaikut dhe numri i bimëve të prekura nga virusi spiral i gjetes, të mara së bashku, nuk duhet të kalojë 6%.
- e. Shkalla e lejuar e infeksionit për pikën 2 (c) dhe (d), do të jetë e pranueshme vetëm për raste kur sëmundjet virusale janë shkaktuar nga viruset që janë të përhapura në Evropë.
- f. Në etiketën zyrtare të ketë shënuar gjeneracionin, në të kundërt, fara në fjalë do të konsiderohet si farë që i përket brezit maksimal që është lejuar brenda kategorisë përkatëse për t'u hedhur në treg.
- g. Fara e patates (tuberët) nuk mund të hidhen në treg nëse në pjesën më të ngushtë të tuberit diametri më pak se 25-35 mm për cilësinë e klasit të parë dhe 35-45 mm për klasin e dytë.

SHTOJCA II

KUSHTET MINIMALE TË CILËSISË QË DUHET TË PLOTËSOJË LOTI I FARËS SË PATATES

Kushtet minimale të lejuara lidhur me papastërtitë, lëndët e huaja, deformimet dhe sëmundjet si dhe pesha e lotit për patatet e farës duhet të jenë në kufijtë:

1. Prania e dheut dhe lëndëve të huaja: 1,0% e masës për farën bazë të patateve dhe 2,0% për patatet farë e certifikuar.
2. Kalbëzimi i thatë dhe i qullët, (për të dyja së bashku) kur nuk është shkaktuar nga subsp. endobioticum *Synchytrium*, *Clavibacter michiganensis sepedonicus* ose *Ralstonia solanacearum*: lejohet në masën 0,5%, por tuberet e prekura nga kalbëzimi i qullët nuk duhet të jenë më shumë se 0,2% të masës së lotit.
3. Zhardhokë të deformuar ose dëmtuar deri 3,0 % e masës së lotit.
4. Zhardhokët e prekur nga kroma e zakonshme në më shumë se 33% të sipërfaqes së zhardhokut, deri në 5% të masës së lotit.
5. Zhardhokët e prekur nga kroma e zeze në më shumë se 10% të sipërfaqes së tubereve: 5,0 % e masës.
6. Zhardhokët e prekur nga kroma e pluhurt që prekin në më shumë se 10% të sipërfaqes së tubereve: 3,0 % e masës;
7. Zhardhokët e vyshkur për shkak të dehidratimit apo dehidratimit të shkaktuar nga kroma e argjentë jo më shumë se 1,0 % e masës.
8. Për farat bazë kërkesat e pike 2-7 Toleranca totale për artikuj 2-7: 6,0% e masës për patatet që janë certifikuar si farë bazë, dhe 8,0% e masës për patatet farë e certifikuar
9. Kur në një lot fara e kategorisë farë bazë është e prekur nga më shumë se dy sëmundje sipas pikave (2-7) maksimumi i lejuar i prekjes është 6%, ndërsa për kategorinë farë e certifikuar maksimumi i lejuar është 8%.
10. Një lot të mos përmbajë më shumë se 3% të peshës me zhardhokë më të vegjël se madhësia minimale e shënuar ose më shumë se 3% të peshës me zhardhokë më të mëdhenj se madhësia maksimale e shënuar.
11. Zhardhokë e patates të prekur nga vrugu nuk mund të hidhen në treg për t'u përdorur si material mbjellës.
12. Peshë e 1 (një) loti duhet të jetë jo më shumë se 40 ton

SHTOJCA III

ETIKETIMI

I. ETIKETA ZYRTARE

A. Informacioni i kërkuar

1. Autoriteti certifikues ose inicialet e tij;
 2. Numri i serisë së etiketës;
 3. Numrin e referencës për lotin si dhe datën e lëshimit të etiketës;
 4. Specia, treguar të paktën nën emrin e saj botanik, i cili mund të jepet në formë të shkurtuar dhe pa emra të autorëve, me germa latine.
 5. Varieteti;
 6. Kategoria;
 7. Cilësia;
 8. Vendi i prodhimit;
 9. Deklarimi i peshës;
 10. Përdorur ose jo kimikate.....
 11. Përmasat minimale të etiketës 110 × 67 mm.
- B. Ngjyra e etiketës dhe dokumenti brenda paketës

Etiketa duhet të jetë në ngjyrë të bardhë me një vijë ngjyrë vjollcë diagonale për "farat para baze", me ngjyrë të bardhë për "farat baze", me ngjyrë blu për "farat e certifikuar". Dokumenti brenda paketës duhet të jetë i tillë që të mos zëvendësojë etiketën. Dokumenti nuk është i domosdoshëm nëse kërkesat janë të printuara me bojë të pashlyeshme mbi paketim, ose në qoftë se përdoret një etiketë ngjitëse ose një etiketë e përbërë nga një material rezistent.

SHTOJCA IV

FORMA DHE PËRMBAJTJA E DOKUMENTACIONIT QË I BASHKËNGJITET KËRKESËS PËR CERTIFIKIM.

Kërkesë për aplikim

Drejtuar: Entit Shtetëror të Farave dhe Fidanëve (ESHFF).

Tiranë

Për prodhimin e materialit mbjellës dhe shumëzues bimor, parashikuar në neni 12 të Ligjit Nr.10416, datë 07.04.2011 "Për materialin mbjellës dhe shumëzues bimor".

Të dhëna për furnizuesin:

1. Emri e mbiemri: _____
2. Adresa: _____
3. Emërtimi i subjektit dhe adresa: _____
4. Nr. NUIS: (nga QKR) _____

Të dhëna për përfaqësuesin e autorizuar:

1. Emri e mbiemri:
2. Adresa:
3. Nr personal i identifikimit:

Të dhëna mbi materialin mbiellës dhe shumëzues bimor që kërkohet të prodhohet:

Nr	Specia	Varieteti	Kategoria	Sazia	Vendi i prodhimit*
1					
2					
3					
4					
5					
6					

Furnizuesi:

Emri mbiemri firma dhe vula vendi dhe data:

**ENTI SHTETËROR I FARËRAVE DHE FIDANËVE
SEKTORI I CERTIFIKIMIT ZYRTAR**

PROCESVERBAL MBI ÇAKTIMIN E NGASTRËS SË FARËS

Mbahet sot, më datë, në fermën/ekonominë, fshati, komuna....., qarku....., për caktimin e ngastrës së farës të kulturës, kultivari....., që do të mbillet me farë të riprodhimit, gjatë vitit.....

Kjo ngastër fare caktohet në ekonominë e, me sip.ha, në kushte (mbi ose nën ujë), dhe me distancë izolimi në hapësirë nga kultivarët e tjerë prej

ml.
Për realizimin e prodhimit të farës prej kv, furnizuesi merr përsipër të zbatojë këto hallka të teknologjisë :

1.
2.
3.
4.
5.
6.

Pocesverbali mbahet në 3 (tri) kopje, njëra prej të cilave i lihet furnizuesit, një kopje mbahet nga specialisti farave të DB-së, dhe një kopje dorëzohet në sektorin e certifikimit pranë Entit Shtetëror të Farave dhe Fidanëve

FURNIZUESI SPEC. FAR. DB

SPEC. CERTIFIKIMIT ZYRTAR ESHFF

ENTI SHTETËROR I FARAVE DHE FIDANËVE
SEKTORI I CERTIFIKIMIT ZYRTAR

CERTIFIKATË E ORIGINËS

“PËR MATERIALIN MBJELLËS DHE SHUMËZUES BIMOR TË PRODHUAR
NË VEND”

(Bazuar në ligjin nr.10416, datë 7.4.2011, neni 16/c”)

Në mbështetje të nenit 16/c, të ligjit nr.10416, datë 7.4.2011, “Për materialin mbjellës dhe shumëzues bimor”, nën përgjegjësinë time personale dhe ligjore lëshoj këtë certifikatë origjine për materialin mbjellës dhe shumëzues bimor, me të dhënat e më poshtme:

Specia
Variateti
Kategoria
Cilësia
Numri referencës
Numri i serisë etiketës zyrtare
Viti i Prodhimit
Vend origjina

FURNIZUESI

.....
(Firma, vula)

Tiranë, më.....;

ENTI SHTETËROR I FARËRAVE DHE FIDANËVE
SEKTORI CERTIFIKIMIT ZYRTAR

AKT KONTROLLI

PËR PARCELËN E FARËS

(Bazuar në nenin 16/a, të ligjit nr.10416, datë 7.4. 2011, “Për materialin mbjellës dhe shumëzues bimor”).

I mbajtur sot, më datë, në parcelat e prodhimit të materialit mbjellës dhe shumëzues bimor, të furnizuesit z..... qarku, komuna, parcela (vendodhja)..... mbi zbatimin e teknologjisë për prodhimin e farës specia, kultivari....., riprodhimi....., të mbjella në një sipërfaqe prej ha.

Nga kontrolli zyrtar rezultoi se janë zbatuar këto kërkesa teknike të përcaktuara;

.....
.....
.....
.....
.....
.....
.....
.....
.....

Ky akt - kontroll mbahet në 3 (tre) kopje, njëra prej të cilave i lihet furnizuesit, një kopje mbahet nga specialisti farërave të DB-së, dhe një kopje dorëzohet në sektorin e certifikimit zyrtar pranë ESHFF.

FURNIZUESI SPEC.FAR. DB-së

SPEC.CERTIFIKIMIT ZYRTAR (ESHFF)

AKT- APROBIMI

PËR NGASTRËN E PRODHIMIT TË FARËS
(Bazuar në ligjin nr.10416, datë 7.4. 2011, neni 16, pika 1/a)

Sot, më datë nga specialistët e sektorit të certifikimit zyrtar të E.S.H.F.F z....., u bë aprobimi fushor i ngastrës së farës (Nr. ose emri.....) në fermën/ekonominë e furnizuesit z....., fshati, komuna

1. Nga të dhënat cilësore të farës rezultojnë :

Ngastra është mbjellë me farë: Specia,, kultivari....., riprodhimi; sipërfaqjaha, dokumenti i origjinës.....

2. Mbas verifikimit del se :

- Është siguruar izolimiml.

- Është zbatuar teknologjia, sipërfaqja e vlefshme për farëha, kultivari (hibridi), riprodhimi, sasia e farës që parashikohet të merretkv, kategoria

3. Gjendja e zhvillimit të bimëve në çastin e aprobimit paraqitet :

.....
.....
.....

4. Treguesit e Aprobimit fushor :

Pastërtnia varietore% (.....)

Pastërtnia nga barërat e këqija% (.....)

Prekjet nga sëmundjet virusale% (.....)

Prekjet nga sëmundjet kërpudhore% (.....)

a) (.....)

b) (.....)

c) Dëmtime nga dëmtuesit (.....)

5. Detyrimet e furnizuesit për trajtimin den në tregtim:

.....
.....
.....
.....

FURNIZUESI

GRUPI I APROBIMIT

..... () () ()

DEKLARATË KONFIRMITETI

Unë i nënshkruari.....me licencë nr..... datë..... me NUIS.....me adresë, sot më datë, deklaroj në përgjegjësinë time personale se materiali mbjellës bimor.....i prodhuar nga ana ime është konform këtij specifikimi teknik:

1. Është i shoqëruar me certifikatën e origjinës nr., datë
2. Është i shoqëruar me certifikatën fitosanitare nr., datë
3. Specia
4. Varieteti
5. Riprodhimi
6. Cilësia
7. Është i ambalazhuar në, me peshë
8. Është i etiketuar me etiketa të lëshuara ngadhe i përket lotit nr.

Lëshoj këtë deklaratë konfirmiteti komform Ligjit Nr. 10416, datë 07.04.2011, “ Për materialin mbjellës dhe shumëzues bimor”, neni 11 dhe 12 dhe mbaj përgjegjësi për vërtetësinë e specifikimeve teknike të bëra në këtë deklaratë.

DEKLARUESI

(....., më datë

ETIKETA E PRODHUESIT

Emri i subjektit furnizues

Numri NUIS:

Numri i licencës

Vendi i prodhimit

Specia

Varieteti

Kategoria

Cilësia

Data e analizës

Trajtimi (Emri i preparatit)

Data e ambalazhimit

Pesha e njësisë së paketimit

ENTI SHTETËROR I FARAVE DHE FIDANEVE

ETIKETA ZYRTARE (për farën e patates)

Nr i serisë
Furnizuesi
Specia
Variateti
Kategoria
Cilësia
Nr. lotit
Pesha
Vendi i prodhimit
Data
Rianalizuar: PO / JO Data rianalizimit :.....
Trajtuar me pesticide ose substanca të tjera kimike: PO / JO
Emri i preparatit ose i substancës:.....

ENTI SHTETËROR I FARAVE DHE FIDANEVE

SEKTORI I CERTIFIKIMIT ZYRTAR

PROCESVERBAL

Mbi verifikimin e specifikimeve teknike, dokumentacionit dhe kontrollin e cilësisë së farës.

Në zbatim të ligjit Nr 10416, datë 07. 04. 2011, "Për materialin mbjellës dhe shumëzues bimor", mes specialistëve të certifikimit zyrtar z.....dhe furnizuesit z..... sot me datë, mbahet ky proces verbal, për verifikimin e treguesve cilësor dhe dokumentacionin për farën e prodhuar si vijon:

1. Furnizuesi, ka prodhuar farë të species me këto tregues:
 - a. Varieteti
 - b. Riprodhimi
 - c. Viti i prodhimit
 - d. Sasia
 - e. Nr. Lotit
 - f. Etiketa me nr. serisë

Dokumentat që disponon :

- a. Certifikatë origjine Nr....., datë
- b. Certifikatë fitosanitare Nr....., datë.....
- c. Akt Aprobimi Nr....., datë.....
- d. Deklaratë Konfirmiteti Nr....., datë.....
- e. Proces verb. e kontrollit Nr., datë.....,

Nga verifikimit i dokumenteve si dhe nga rezultatet e analizave laboratorike rezulton se fara është e prodhuar në përputhje me specifikimet teknike. Për këtë duhet të pajiset me certifikatë zyrtare pasi subjekti të shlyej tarifën e certifikimit në shumën lekë.

FURNIZUESI SPECIALISTËT E CERTIFIKIMIT ZYRTAR
..... (.....) (.....)

MINISTRIA E BUJQËSISË, USHQIMIT DHE MBROJTJES SË KONSUMATORIT
ENTI SHTETËROR I FARËRAVE DHE FIDANAVE
AUTORITETI CERTIFIKUES

CERTIFIKATË ZYRTARE

" PËR MATERIALIN MBJELLËS DHE SHUMËZUES BIMOR të PRODHUAR në VEND "

/ FARËRA /

NR. _____, DATË _____.

Në mbështetje të neneve 17 e 18, të ligjit nr.10416, datë 7.4.2011, "Për materialin mbjellës dhe shumëzues bimor", sektori i certifikimit zyrtar, pasi administroi dokumentacionin teknik të përcaktuar në nenet 15 e 16, të këtij ligji, dhe e vlerësoi atë të rregullt, lëshon këtë certifikatë zyrtare për materialin mbjellës dhe shumëzues bimor, farë patate, të prodhuar në vend, me të cilën konfirmon se:

Loti i farës së patates prodhuar nga furnizuesi _____, sipas procedurave teknike të përcaktuara, është paisur me etiketën zyrtare të lëshuar nga E.SH.F.F dhe ka të dhënat që vijon;

Specia
Varieteti
Riprodhimi
Cilësia
Kodi furnizuesit
Pesha e lotit
Lloji i njësisë ambalazhimit
Pesha e njësisë së ambalazhimit
Numri i serisë të etiketës zyrtare
Ngjyra e Etiketës Zyrtare

SEKTORI I CERTIFIKIMIT ZYRTAR

PËRGJEGJËSI

Tiranë më ;.....

SHTOJCA V

DOKUMENTACIONI I TESTIMIT TË FARËS SË PATATES

KËRKESË

ENTIT SHTETËROR TË FARAVE DHE FIDANËVE

PËR REGJISTRIMIN E VARIETETIT/ SPECIES

Unë i nënshkruari _____; me cilësinë e krijuesit/prodhuesit/importuesit, kërkoj regjistrimin e varieteteve/specieve, sipas kërkesave të ligjit nr. 10416 datë 7.4.2011 "Për materialin mbjellës dhe shumëzues bimor". (varietetit) _____)

Varieteti rrjedh _____ (përmend prindërit që janë kryqëzuar ose sisteme të tjera të krijimit të tij). Në rastin e hibridit trego formulën e saktë duke theksuar nëse bëhet fjalë ose jo për hibride me formulë të thjeshtë.

Institucioni (ferma/ekonomia) ku mbahet varieteti i pastër ndodhet në qarkun _____, komunën _____ (ose bashkinë) _____ fshatin _____ dhe nëse është importuar, ardhur nga _____ (shteti).

Unë i nënshkruari _____ deklaroj se për këtë varietet është /nuk është paraqitur, kërkesa për regjistrimin e tij në vendet e BE-së ose vende të tjera që zbatojnë skemat e testimit të cilat përputhen me kërkesat e këtij vendimi. Në rast se është paraqitur kërkesë për regjistrim, për varietetet e importuara përmend shtetin ku është aplikuar për regjistrim. (shteti: _____)

Bashkangitur do të gjeni:

- a) Përshkrimin e varietetit në skedën përkatëse;
- b) Riprodhime fotografike ose fotografi të bimës ose pjesëve të saj që shërbejnë për identifikimin e saktë të varietetit;
- c) Rezultatet e provave eksperimentale të kryera në vendin tonë ose jashtë tij.

KËRKUESI (ADRESA) _____

Firma _____

Data _____

SASITË E KAMPIONIT TË FARËS SË PATATES PËR PROVA PËR TESTIM

A) Kultura bujqësore (Patate):

Sasia e nevojshme e farës për testim është përcaktuar në Udhëzimin e Ministrisë Bujqësisë, Zhvillimit Rural dhe Administrimit të Ujrave, datë 16.02.2012.

1. Patate 150 (njëqind e pesëdhjetë) kg për 2 (dy) vjet rresht.

